

MUZIONE

FATTA DA : I SCULARI DI CM2 DI U PAMPASGIOLU / GALERIA

OGHETTU: Rinascita di i paesi in ruina, avvene è impegnu di a ghjuventù corsa per 2050

TENENDU CONTU CHI l'urbanisazione agressiva di u liturale, scempiata da a moltiplicazione di i bastimenti fatti in cimentu, snatura i nostri paisagii è l'impiantu di e cità « HLM » induve nascenu a miseria è u disperu.

TENENDU CONTU CHI l'abandonu di i nostri paesi in ruina sia a conseguenza di a sguassatura di u notru paisagiu patrimoniale.

TENENDU CONTU CHI i copii giovani, senza impiegu, ùn anu micca a fortuna di pudè campà in salute inde una bella casa in paese.

TENENDU CONTU CHI a partecipazione territoriale, l'imposu nant'à e residenze di vacanze è u mecenà, sianu una pussibilità finanziaria pè a rinnuvazione di e nostre case nustrale.

TENENDU CONTU CHI a vulontà d'esse formatu per amparà i gesti di l'artigianu, di u pastore, di u campagnolu per rifà i muri, per piantà, pè cultivà a so terra, sia un valore sicuru, una contraparte seria, tale una partecipazione finanziaria pè diventà u proprietariu d'una casa antica in paese.

TENENDU CONTU CHI i zitelli d'oghje, ghjuventù di l'avvene cum'è l'eredi di sta ricchezza patrimoniale, cù a so prumessa di campà in paese è a so vulontà d'esse i partinari di a cullettività di Corsica.

L'ASSEMBLEA DI I ZITELLI

DUMANDA a cullettività territoriale di Corsica d'esse u so partinariu per fà chì i paesi ùn sianu più i spettri di i tempi fà, ma e case di lu so avvene pè permette à ogni giovanu d'esse furtunatu pè pudè campà inde i lochi nustrali, quelli di li so antenati è di fà di a Corsica un esempiu europeanu di a rinascita rurale.